

www.BibleForChildren.org


मत्ती १



छँटवो महीना मा, परमेस्वर कन लक, एक कुँवारी को कन जिबराइल सरगदूत नाव को, सरग दूत ला धाडिस। वा टूरी गलील छेत्र को, नासरत नगर मा, रवहन वालो होती। जोकि पक्की राजा दाऊद को खानदान मा, यूसुफ नामको टूरा संग भई होती। ओ कुँवारी टूरी को नाव मरियम होती।



तवा सरगदूत ना कहीस, “मरियम तु भेव नोको
कर, परमेस्वर को किरपा तोरो पर भईसे। चोव!
तु पोट लक होवजोस, अखीन तोरो लक एक
दूरा जनम लेहे, तु ओको नाव यीसु राखजो।
उ महान होहे अखीन पिरभु को दूरा
कहलाहे। परमेस्वर वोको
आजा-पुरखा, दाऊद को सिघासन
वोला देहे। अना उ तोरो पुरखा, याकूब
को घराना मा, जुग-जुग लक राज करहे,
अखीन वोको राज अमर रहेता।”




मरियम ना सरगदूत ला कहीस, “यो कसो होहे,
मी तो, कोनी मरद को संग नही सोयी सेऊ।”
सरगदूत ना बोला साँगिस, “पवीतर आतमा
को ताकत तोरो पर आहेत, अखीन मोठो
परमेस्वर तोरी, रक्सा करहे। एको
लाई उ पवीतर, जो जनम
लेवन-वालो से, परमेस्वर
को दूरा कहलाहे।”



वो ना बेरा मा, मरियम लवकर तैय्यार भई अखीन आपरो
कुटुम्बी एलीसीबा को यहूदा देस को पहाड़ी गांव मा गई।
वो जकरयाह को घर मा गई। अखीन एलीसीबा ला
नमस्कार करीस। जेंधावर
एलीसीबा ना, मरियम को
नमस्कार आयकीस, तसोच,
वोको लेकरा पोट मा उचलो,
अना उ पवीतर आतमा लक
भर गई। अना वा चिल्ला
के कहीस, तु सबच
आई-माई गीनमा धन्य से।
अना धन्य से तोरो
पोट को फर।



यीसु मसीह को जलम असो भयो। जबा वोकी माय मरियम की पक्की,
युसुफ को संग भई। तबा उनको
मिलन को पूढा, वा पवीतर आतमा
कन लक, पोट ले भई गई। वोको
होवन वारा नवरा युसुफ एक नेक
मानूस होतो। यो गोस्टी सांग
के उ वोकी बेइज्जती करनो
नही चाव्हत होतो।
एकोलाय उ चुप्पई लक
बिहाव तोड़न को बिचार बनायो।



जब उ असो बिचारत होतो, तबच सपना मा पिरभु को सरगदूत आयो, अना वोला कव्हन लग्यो “अगा युसुफ! दाऊद को दूरा, नौको डराय, तु आपरी बायको मरियम संग लगन कर, काहेका वोको पोट मा जोन लेकरा सेत, उ परमेस्वर को पवितर आतमा कन लक सेत। अना मरियम दूरा ला जलम देहे, अना तु वोको नाव यीसु राखजोस, काहेका उ अपरा लोकगीन ला, उनको पाप लक बचा हेत।”



तबा युसुफ जप लक जगयो, पिरभु को सरगदूत ना जसो सांगयो
होतो, वसोच उ वोको लक लगन करके आपरो घर आनिस। अना जब
तकन वा टूरा जलम नहि लियो तबा तकन उ मरियम
को संग नहि सोयो अना यूसुफ न, वोको नाव
यीसु राखिस।



ओना बेरा मा राजा औगुस्तुस कैसर को कना लक हुकूम हिटयो, क
सारो जग का लोकेईन को नाव लिखवान की जाये। सब लोग
आपरो-आपरो नाव लिखवान
काजी आपरो नगर मा गइन।



मंघा यूसुफ अखीन मरियम, आपरो नाव लिखावन काजी गलील को
नासरत नगर ले, यहुदिया मा दाऊद को नगर बैतलेहम मा गईन।

वहान दूई युसूफ अना मरियम
जोनको पक्की भयी होती जायके
आपरो नाव लिखवान
गईन।



जब उ दोई वोच नगर मा
होतीन, तब मरियम को जचकि
को बेरा भई गयी।



उनको रुकन को लाय सराय मा, जघा नही होतो। यो काजी वय
गाई-बईल को कोठा मा रुकिन। अखीन वोको पयलो टूरा वहांच भयो,
अखीन वोला कपरा मा लपेट केना,
गव्हान मा राखीस।



देस मा केतरा गडेरिया होतीन, जोई रात ला मैदान मा रहके, आपरो
करप को निगरानी करत होतिन। तबा परमेस्वर को एक सरगदूत,
उनको जवर आयके, उभो भयो। अना पिरभू को

तेज, चमकन
लगयो, तबा
उन गजब
डराय गईन।



परमेस्वर को सरगदूत उनला कव्हसे, “नोको डराव चोवो, मी तुम्ही
ला मोठयो खुसी को साजरो बारता सांगसू। जो सब लोग लाय
होहे। आज दाऊद को नगर मा तुमरो लाय एक

पाप मोचक
जन्म लेईसे
योच मसीह
पिरभू से।
योको यो निसान

सेत का तुम्ही एक
टूरा ला कपरा मा
लिपटो गव्हान मा
रख्यो पावजो।”



तवा एकाएक लक उ परमेस्वर को सरग दूत संग अना
दूतगिन भी परमेस्वर की भक्ती करत अना यो सांगत
चोवयो। "सरग मा परमेस्वर की बड़ाई अना

धरती मा उन



मानूस लक जिन लक
खुस से, अखीन सान्ती
होया।”




जब पिरभू को सरगदूत उनको जवर लक सरग मा
गईन। तो गडरिया ना आपस मा कव्हन लगीन।
“आओ हमि बैतलेहम जायके, जो हमला परमेस्वर
को दुत सांगिसेस देखबिन।”



तब उनना गदने जायके मरियम अना यूसुफ ला, अखी
गव्हान मा उ दूरा ला पड़यो चोविना। ऐना ला चोवके,
उनना वा सबद जो यो दूरा को बारे मा सरगदूत सागयो
होतो, उन लक सांगन लगीन अना गडरिया को गोस्टी
आयक के सब आयकन वालो ना
अचंभा करीन।




राजा हेरोदेस जबा राज
कर रहयो होतो। वोच
बेरा मा, यहुदिया को,
बैतलेहम नगर मा, यीसु
को जलम भयो।
तबच काही बेरा
बाद,



बिदवान जोन तारा ला चोव के पंचाग देखन
वारा, येरुसलेम नगर मा आइना। उनना
पुसीन “यहूदिगीन को आजच जलम हुयो
लेकरा राजा कहाँन से? काहेका हमीना वोको
तारा ला बादल मा देखीसेजन अना हमी
वोकी पिराथना करन आयसेजना।”



तबा हेरोदेस न पंचाग देसनवारा ला
उगो-मुगो बुलाइस। अना यो गोस्टी
ला पक्को करीस। “का तारा ठीक
कोनी बेरा मा चोयो होतो।” मंग
राजा उनला बैतलेहम धाड़ीस।
अना कहीस, “जाव अना वोना
लेकरा को बारे मा साजरी लक ‘पता
लगावो’ अना जबा उ तुमला मिल
जाहे त मोला सांगो बल्कि मी भी
आयके वोकी पिराथना कर सकू।”



मंग उ राजा की गोस्टी ला आयक के, चली गइन। उ तारा ला बादर
मा उनना देखी होतीन होती। उ उनको पुढा-पुढा जाय रहयो होतो,
मंग जबा उ जघा आई जहान उ टूरा होतो त
तारा वोको वारता रुक गयो।



वय वोना घर मा गईन, अना उनना वोकी माय मरियम लेकरा को संग
होति, उता माय अना लेकरा को दरसन करीन। अना टोंगरा टेकके,

नमस्कार करन लगीन। अना आपरी-आपरी पेटी

खोलके, ओमा लक मुदरो, लुभान अना
गन्धरस को भेट चघाईन। पर परमेस्वर

न एक सपना मा उनला चेताय देइस

का वय वापसी हेरोदेस को

जवर नोको जावो तबा

वय एक दुसरो मारग लक

अपरो देस ला लवट गईन।



जब वय चली गईन त यूसुफ ला
सपना मा पिरभु को एक सरग दुत न
पिरगट होयके कहीस, “उभो होय अना
माय अना लेकरा ला धरके उगो-मुगो
लक मिसर चली जाय, अना मी जबा
तकन तोला नहि कहु, उतच
रव्हने काहेकी हेरोदेस एना
टूरा ला मारवा डाकन
को लाई दुन्देता।”



तवा यूसुफ उभो भयो, अना माय
अखीन लेकरा ला धरके रात मा मिसर
देस को लाई चली गयो। अना हेरोदेस
राजा को मरनो तकन, वहाँच रहयो।
एको लाई की जेनो गोस्टी ला, पिरभु
ना भविस्ववक्ता गीनको टोन्ड
लक, सांग्यो होतो, उ पूरो
भयो “मी ना आपरो टूरा
ला मिसर लक हाकलिसेवा।”




जबा राजा हेरोदेस ना यो चोवयो का,
पंचाग चोवनवारा ना, मोला चुथिया
बनाईसेस, तबा उ हिजड़ गयो अना
लोकगीन ला धाड़के, पंचाग देसनवारा
लक सांग्यो बेरा मा, बैतलेहम नगर अना
ओको इतानी-उतानी को जघा मा जेतरा,
दुई साल अना ओको लक कम

उमर को
लेकरा
होतीन।



उन सब ला
मरवाय डाकीस।





राजा हेरोदेस को मरन को
मंघा, पिरभु को एक सरगदूत
ना मिसर मा युसुफ ला
चोयो, अना कहीस! “उठ, उ
टूरा अना-ओकी माय ला धर
के इसरायल देस मा चली
जाया। काहे का जोन टूरा को
जान लेवन चाहत होतीन,
वय मर गईना।”




पर यो आयक के अरखिलाउस आपरो बाप राजा
हेरोदेस की जघा, यहुदिया
मा राज कर रही से वहाँन
जावन लाई डराय गयो। मंग
सपना मा परमेस्वर
लक



चेतावनी पायके
गलील परदेस मा चली गयो। अना
नासरत नाव को नगर मा जाय के रव्हन लगयो
जोन लक वा गोस्टी पूरो भयी जाय जोन भविस्थवक्ता
गीन लक सांग्यो गयो होतो, की “उ नासरी कहलाएता।”



काहेका परमेस्वर ना संसार लक एतरो माया
राखियो, का वोना आपरो चहतो एकच टूरा
ला दे देइस। एकोलाय जोन कोनी वोको पर
भरोसा राखेत, उ नास नही होहेत पर
अमर जीवन पाहेत।



रोमियो 3:23 हरेक मानूस ना पाप करयो सेत। अना परमेस्वर कन लक दियो तेज बचाव लक लगत दुहूर सेत।

रोमियो 6:23 काहेका पाप को बनी तो मरनो से, पर परमेस्वर को बरदान आमरो पिरभू यीसु मसीह मा अमर जीवन सेत।

इब्रानियो 9:27 जसो मानूस को लाय एक बार मरनो, अना एको मघा उनको नियाव होवनो लेखा सेत।

इफिसियो 2:8,9 परमेस्वर को दया कन लक आपरो भरोसा को काजी तुमरो सूटकारा भयीसे। योयो तुमला तुमरी कन लक नही मिलीसे, पर यो ता परमेस्वर को दियो हुयो दान से। अखिन नाता करम लक असो ना होय का कोनी गरब करयेत।



रोमियो 10:9,10 यदि तुमी असो स्विकार करा सेव, का यीसु च पिरभू सेत। अना बिस्वास करो का परमेस्वर ना वोला मरयो हुयो लक जित्तो करयो सेत, तो तुम्हि बच जाहो। काहे का मन मा भरोसा राखन लक मानूस नेक बन जासे अखिन परमेस्वर लक सही संबंध भई जासे। अना स्वीकारनो लक हमीला बचायो जावा सेत। मजे आमरो सूटकारा होवा सेत।

योहन 3:16,17 काहेका परमेस्वर ना संसार लक एतरो माया राखियो, का वोना आपरो चहतो एकच टूरा ला दे देइस। एकोलाय जोन कोनी वोको पर भरोसा राखेत, उ नास नही होहेत पर अमर जीवन पाहेत। परमेस्वर ना आपरो टूरा ला दण्ड देवन ला नही, पर संसार ला सूटकारा देवन लाय धाड़ीसेस।

1 योहन 5:11-13 अना ओकी गवाही यो से का परमेस्वर ना आमला अमर जिंदगी देईसेस, यो जिंदगी ओको टूरा कन लक मिलयो से। जोको जवर टूरा से, ओको जवर जिंदगी से, अना जेनको जवर परमेस्वर को टूरा नहाती, ओको जवर जिंदगी भी नहाति। परमेस्वर को टूरा मा भरोसा राखन वालो, तुमला यो गोस्टी मी एकोलाय लिख रही सेऊ जेनको लक तुमी यो जान लेव का अमर जिंदगी तुमरो जवर से।



मत्ती 1-2; लूका 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter, Sarah S.

Powari Bible (pwr) © The Word for the World International
and Powari Madhya Pradesh, 2025.

<https://www.bible.com/bible/3714/MAT.1.PSP25>

©2026 Bible for Children, Inc.

www.M1914.org

www.bibleforchildren.org

